

Chanaan, vt impleret Deus, introduxit Israelitas in terram Chanaan, non propter eorum iustitiam: sic nobis dat vitam æternam promissam.

*Censura*, Hæ tres annotatiões inquantū ostendunt Deū dare nobis beatitudinē ex sola sua benignitate & promissione, & nō ex operibus & meritis, hæreticæ sunt.

*Hæreticus sane istorum iudicio habear: sed cum Paulo, qui docet gratiam Dei esse vitam æternam, Rom. 6. d. 23. Itē, Gratia saluati estis per fidem, & non ex operibus, nequis gloriatur, Ephes. 2. b. 8. Item David hominē pronuntiat beatū, cui acceptā fert Deus iustitiā absque operibus, Rom. 4. b. 8. Itē, si Abraham operibus iustificatus est, habet quod gloriatur, sed non apud Deū. Rationē subiicit, Quia fide iustitiam adeptus est. Fides autem credenti & non operanti in iustitiam imputatur, Rom. 4. a 5. Volunt Sorbonici magistri, Deum sibi obnoxium facere. Contrà Paulus reos omnes statuit, vt omne os obstruatur, & conticeat hominum iustitia, ad illustrandam Dei iustitiam: vt sit ipse iustus, & iustificans eum qui ex fide est Iesu*